

MEN OTEMJEJ EJ ÑAN KAIBOJOJ ANIJ



KAtak 5 ñan August 1, 2026



(1 Ri-Korint 10:31, NKJV)

“Innem, elañe komij
mõñã ak idaak, ak
jabdrewõt men
komij kõmmene,
komin kõmmene men
otemjej ñan aibujuij
an Anij”

Jino jen 1 Dri Korint 7, Paul ej lelok e make ñan uake elõñ kajitõk ko me Ri Korint ro rar jilkinlok ñan e (1 Cor. 7:1a).

Kin un in, meñe jebta 8 ñan 10 rej konono kin kabuñ ñan ekjap, Paul ej kobaik jet unin kōnono ko me ejelok air kōtan ñan jerawiwi in.

Ak, ej kajeoñ in kobaik juon men eo ilo kajjojo unin kōnono: yokwe im kautiej don, eo ej aikuj in tellok eklejia eo bwe ren juon wõt.

Ippān lõmṇak in, Paul ej kōmeḷeḷeik aikuj eo ñan aolep men ko rej kōmṇan ilo kabuñ, ak ilo mour in make, ñan kōmṇan ñan aiboojoj eo an Anij.



1 Ri-Korinth Ro 8

Mõñā ko rej katok kaki ñan ekjab ko
(Meletlet im yokwe)

1 Ri-Korinth Ro 9

Paul ej kwalok jimwe ko an
(Jimwe ko an gospel eo)

1 Ri-Korinth Ro 10:1-13

Nan in Kakkōl ṇae kabuñ ñan ekjab
(Menin Katak ko jen len Ko Mokta)

1 Ri-Korinth Ro 10:14-22

Kap eo an Irooj im kap in tiṇoṇ ro
(Jolok kabuñ ñan ekjab)

1 Ri-Korinth Ro 10:23-33

Kōmmane men otemjej ñan aibujuij eo an Anij
(Ta eo ekkar ñan kien im ta eo emman im ekkar)



MELETLET IM YOKWE

1 Ri-Korint 8 (Mōñā ko rej katok kaki ñan ekjab ko)



“A jelālokjen ej utiej bōro, im yokwe ej kalōk.” (1 Ri-Korinth 8:1b)

Paul ej “kōjepel” kabuñ eo ñan ruo kumi: ro “rekajur” im ro “remōjno”.

**1 Ri-Korint
8:4-7a**

Ro rekajur rej melele bwe ekjab ko
ejelok tokjeir, kinke ewōr juōn wōt Anij
emol.

Ro remōjno rejjañin
melele kin men in.

**1 Ri-Korint
8:7b**

Ro rekajur rej mōñā kanniōk ko kar emoj
katok kaki ñan ekjab ko kinke rejelā bwe
ekjab ko rejjab maroñ katton mōñā eo.

Ro remōjno rej tōmak
bwe rej jerawiwi elañe
rej mōñā kanniōk eo.



Ak ro rekajoor, kōn aer jelā im waanjoñak, remaroñ
kōmman bwe ro remōjno ren buñ (1 Kor. 8:10). Kin an
yokwe jein ak jatin, eo ekajur ej aikuj in dāpij e make (1
Kor. 8:11-13).

Rikirijin ro rej aikuj likit yokwe mokta jen jelālokjen ñe
jelālokjen emaron juon menin bōbrae ñan jein ak jatin eo
“emōjno” (ilo ial in eddeklok ilo mour in ri-Kirijin).



JIMWE KO AN GOSPEL EO

1 Ri-Korint 9 (Paul ear jolok jimwe ko an)

"Ilo ejja wāween in wōt, Irooj eaar kakien bwe ro rej kwalok gospel eo ren bōk aer mour jān gospel eo." (1 Ri-Korinth Ro 9:14)

Pablo renunció, al menos, a tres derechos por amor a los débiles:



* Jimwe ñan bōk mona ko kijen jen eklejia eo (1 Cor. 9:4)

➤ Paul ear jolok jimwe eo an einwot juon ri jilek ñan an bōk jibañ jen kabuñ ko ej jermal ñan ir, einwot an kar ri jilek ro jet kōmmene.



* Jimwe ñan an bed ibben lio belen (1 Cor. 9:5)

➤ Manit eo elaptata ibwiljin ri jilek ro ej bwe ren ito-itak ibben lio beleir ñan maroñ lale ir im jibañ ir ilo jermal in kwalok nan eo. Kōrā in, einwot leo belen, enaj kar wor an jimwe ñan bōk jibañ jen eklejia eo.



* Jimwe ñan jab maroñ kōmman jermal in kōjparok mweik ak kamta (1 Cor. 9:6)

➤ Paul ekōnaan wot jermal im bok kolā jen jermal eo an make ñan bōbrae an armij ro lemnok ke ej bōk kōlā jen armij ro rej roñjake nañ in kwalok ko an, im ñan lewoj ñan ir juon wanjonak kin mour ejjab atartar ñan armij ro jet.

Meñe Jisōs ear kalikar bwe ro rej kwalok gospel eo rej aikuj mour jen gospel eo, Paul im Barnabas rar make jolok men in bwe ren jab bōbrae ri tōmak ro (1 Cor. 9:12-14; Lk. 10:7).


MENIN KATAK KO JĀN IEN KO MOKTA

1 Ri-Korint 10:1-13 (Naan in Kakkōl ñae kabuñ ñan ekjab)

"Komin jab kabuñ ñan ekjab, einwot jet iaer; einwōt emwij je: 'Armij ro rar jijet bwe ren mōñā im irak, im jutak bwe ren mōñōñ' " (1 Ri-Korinth 10:7)





Eñjake eo an Exodus, melele kake ilo jitōb, ej juon men eo ej einlok wōt ad make. Kijoone loṃaḷo ej āinwōt bujen peptaij eo ad. (1 Cor. 10:1-2).



Mōñā im idaak ko rar bōki ilo āne jemaden ej einwot ad bōk koṇaad ilo Kwojarjar eo, ijo jej mōñā im idaak, ilo jitōb, enbwinin im bōtōktōkin Jisōs (1 Cor. 10:3-4).

Kōjparok! Meñe rar iion men ko renana, Ri Israel ro rar buñ ilo bwid ko relap, ekoba kabuñ ñan ekjab im mour in lūñ. Lale bwe en jab walok men in ñan kij! (1 Ri-Korinth 10:5-10).

Kin menin ri jilek eo ej kajemlok mōttan jeje in kin juon nan in kakabilek ekajur: "Innem, elañe kwoj lemnok kwoj jutak bin, kwon kejbārok bwe kwon jab buñ" (1 Cor. 10:12).



JOLÕK KABUÑ ÑAN EKJAB

1 Ri-Korinth 10:14-22 (Kap an Irooj im kap in timon ko)

"Kõn men in, ro jera rejitõnbõro, komwin ko jãn kabuñ ñan ekjab" (1 Ri-Korinth 10:14)




Elañe mõñã ko rej katok kaki ñan ekjab ko remaroñ mõñã ilo ejelok inebata, etke Paul ej einwõt ej kakabilek nae menin ilo 1 Ri-Korinth 10:20?

Ej juon men ñan mõñã kanniõk ilo mweo, ilo ejelok bõd, im bar juon men ñan kōmmene ilo ien kwojkwoj eo an armij ijo rej kabuñ ñan ekjab ko. Ilo an bõk kunan ilo kain kwojkwoj rot kein, ri tōmak eo ej jolok tōmak eo an im bõk kabuñ ñan ekjab.

Ilo ad bõk koṇaad ilo Kōjota eo ekwojarjar jej erom ṁōttan ānbwinnin Kraist (kabuñ eo), ak, ilo ad bõk koṇaad ilo ṁakūtkūt in kabuñ-jar ñan ekjab, jej bõk koṇaad ippān timon ro (1 Cor. 10:16-20).

Jejjab maroñ bõk kab in Kwojarjar, nebar Jisōs, im –ilo ien eo wot– bõk jen kap eo ej nebar demon ro (1 Cor. 10:21).



TA EO EKKAR ÑAN KIEN IM TA EO EKKAR IM EMMAN

1 Ri-Korint 10:23-33 (Kõmmõne men otemjej ñan Kaibojoj Anij)

“Kõn men in, meñe komij mõñã ak idaak, ak jabdewõt men komij kõmmane, komwin kõmmane men otemjej ñan aiboojoj an Anij.” (1 Ri-Korinth Ro 10:31)


“Emelim kommon men otemjej, ak ejjab aolep men remmon” (1 Ri-Korinth Ro 10:23).

Ruo waanjonok ko rejimwe:



Jikin wia kanniök eo ear wiakake mõñã ko kar katok kaki ñan ekjab ko im mõñã ko rar jab katok kaki. Ri tõmak eo ej jab aikuj in kajitök rar ke katok ak jab kanniök eo bwe en jab lelok lemnak eo ke ej watök bwe ejjab jimwe an mõñã kain kanniök rot in (1 Cor. 10:25).

Juon eo ejjab ri tõmak ear kir juon ri tõmak bwe en mõñã. Ri tõmak eo ear mõñã ilo ejelok kajitök (men otemjej rej maroñ ñan e). Ak ri-lotok eo ear ba bwe kanniök eo kar katok kake ñan juon ekjab. Kin menin, bwe en jab kainebataik lemnok eo an ri kur eo, kar watöke bwe ejjab jimwe an ri tõmak eo mõñã kanniök eo (1 Ri-Korinth Ro 10:27-29).



Pedped in katak kein rej barāinwõt ruo: nōbar Anij ilo men otemjej (1 Kor. 10:31); im ñan bukõt tokjen eo an ro jet (1 Kor. 10:24, 32).

Menin ej, ñan yokwe Anij ilõñin men otemjej im ro ri turum einwõt kwe make (einwõt an kar Jesus kajitök ibben likao eo ri mweie).

“Ri jilek eo ear kallimur ñan ri Korint ro, "Eo ej lemnok ej jutak en lale bwe en jab buñ." Elañe rej erom ri utiej buru im liki ir make, jab lale im jar, renaj kar wõtlok ilo jerawiwi ko relap, im kirtok illu eo an Anij ioir make. [...]

Paul ear akwelap ñan ro jein im jatin bwe ren kajitōk ibbeir make ta eo nan ko air im jermal ko air renaj jelet ro jet im bwe ren jab kōmman jabdrewōt, meñe ejelok ruōn, eo enaj einwōt ej kōtlok kabuñ ñan ekjap ak kajorrān ro rej mōjno ilo tōmak. "Innem elañe komij mōñā ak idaak, ak jabdrewot komij kōmmane, komin kōmmane men otemjej ñan aibujuij an Anij. Komin jab kōmman jabdrewot men in lōkatip, jab ñan ri Ju ro, jab ñan ro dri ailiñ ko, jab ñan eklejia an Anij.”

EGW (The Acts of the Apostles, p. 316)